

«Махтал уһуйааммытыгар!»

(2-с бэлэмнэнии бөлөх выпускной биэчэрэ)

Буолар күнэ-дьыла: муус устар 29 күнэ, 2022 сыл

Бытыллар бириэмэтэ: 10ч.00мун.

Бытааччы 1:

- Үтүө күнүнэн, бүгүнгү үөрүүлээх түһүлгэбит маанылаах ыалдьыттара, убаастабыллаах уһуйааммыт салайааччыта Екатерина Петровна, күндү төрөппүттэрбит, айымныылаахтык үлэлии-хамныы сылдыар «Кэнчээри» уһуяан бары үлэһиттэрэ!

- Кырачаан оҕолорбут тапталлаах уһуяаннарыгар кыра бөлөхтөн саҕалаан үүнэн-сайдан, улаатан, кынат аннынан оскуолаҕа атаарыллар долгутуулаах түгэnnэрэ,

Ырыа-үнкүү, көр-нар аргыстаах,

Тийээн кэллэ бу бүгүн !

Бытааччы 2:

- Дохсун ытыс тыаһынан көрсүөбүгүн, быйылгы 2022 сыл «Сир симэхтэрэ»

2-с бэлэмнэнии бөлөх выпускниктарын!

*(оҕолор вальска үнкүүлүүр наараларынан кыһыл дорожканан хааман
залга киирэллэр, хас биирдии оҕону киирэллэригэр хоһоонунан билиһиннэрии)*

Ыллам ырыа аргыстаах,
Нарын-намчы унуохтаах,
Үнкүүлээн сэгэйэр, ыллаан дьиэрэтэр
Кыргыттар истин дьүөгэлэрэ
Биһиги **Дианабыт**.

Кыра бэйэтин көрүмэн,
Үлэттэн толлубат
Үлэһит бэрдэ
Куруутун көмөлөһөр баҕалаах
Үтүө майгылаах уолбут - **Саша**.
Улахан киһилии туттан

Кыһаллар барыга бары,
Ис сүрэбиттэн ылынан
Сүрэбин бағатын толорон
Куруутун уруһуйдуур, хабылыктыыр
Биһиги **Айыынабыт.**

Көрсүө-сэмэй майгылаах
Абыһах сангалаах,
Аргый да буоллар
Үтүөбэ-кэрэбэ дьулуһар
Сэмэй уолбут - **Фома.**

Билии-көрүү үктэллээх
Дабайыа үөрэх аартыгын
Лыах курдук намчы кыыспыт – **Нарыйаана.**

Сайдар, үүнэр кэскиллээх,
Чобуо чооруос сангалаах,
Кыра кыыспыт **Виолетта**
Дьулуһуо үрдүккэ.

Кэпсээн-ипсээн чуопчааран,
Билиигэ-көрүүгэ тардыһылаах
Күлэ-үөрэ мичилийэр кыыспыт - **Мичийээнэ.**

Сымнаҕас, ис киирбэх,
Ыксаабат айылгылаах,
Оҕо сааспыт доҕоро
Денис уол буолар.

Аргый нуоҕай кэпсээннээх,
Илиитигэр ураты дьоҕурдаах,
Уруһуйдьут буолар баҕалаах
Кэрэ кыыспыт - **Сайнаара.**

Кэрэхсээбитин-сэнгээрбитин
Уруһуйунан сырдатар,
Олонхоһут ааттааҕа,
Сырдык мөссүөннээх
Үрүн Уоламмыт – **Сайдам.**

Барыылаах-кэлиилээх,
Куруук далбарай чыычаахтыы
Сүүрэр-көтөр тулуктанар
Саянабыт биһиэнэ.

Көрөн-истэн сэргэх киһи,
Үөрэр-көтөр, тулуктанар
Кыталыына Куо кыыспыт – **Виктория.**

Улахан киһилии
Боччумуран ылар,
Толоругас, кыһамныылаах
Уолбут – **Кирилл.**

Сайаҕас-эйэбэс майгы,
Намчы быһыы, нарын дьүһүн,
Саргы-талаан киһитэ – **Лианабыт.**

Үөрүннээн,
Эйэбэс, үтүөкэн майгылаах
Боччумнаах саха уола – **Рустаммыт.**

Эйэбэс мичээринэн тулабытын сырдатар,
Үтүө-майгы кынаттаах,
Ырыа-үнкүү тулалаах
Эрэл кыыма – **Миленабыт.**

Сырдык сыдыай,
Сылаас мичээр аргыстаах
Кэрэ Куо кыыспыт – **Сайаана**
Үөрдүө үгүс ситиһиитинэн.

Истибитин, көрбүтүн
Өйүгэр хатыыр дьобурдаах,
Бэрээдэктээх, сэмэй уолбут – **Арсен.**

Күннэтэ өгнөөх фломастер аргыстаах,
Уруһуйдуурун олус сөбүлүүр,
Кумаабыттан оноһук арааһын онорор
Илиитигэр талааннаах – **Айаанабыт.**

Көрсүө-сэмэй,
Эркин курдук эрэнэр
Тойук туйгун уолбут **Саян**
Бөлөхпүт маанылаах уола.

Киэн-холку майгылаах,
Нарын-намчы көрүннээх,
Тирэх буолааччы
Улахан кыыспыт - **Виктория.**

Элэккэй-эйэбэс
Набыл-холку майгылаах,

Уруһуй кэрэ эйгэтигэр сыһыаннаах
Биир мааны кыыспыт – **Галина**.

Билбитин сыыска түһэрбэт,
Сэнээрбитин болбойон истэр,
Улахан киһилии толкуйдаах
Уолаттары түмэр хорсун уолбут - **Контвар**.

Билиигэ-көрүүгэ ылсыһар,
Истин, набыл кэпсээннээх,
Өрүүтүн мичээр кэһиилээх
Оҕобут – **Вероника**.

Легонан арааһы бары
Мындыр өйүнэн айа-тута охсор дыбыурдаах
Улахан уолбутугар **Витяҕа**
Эрэлбит улахан.

Ыытааччы 2:

- Оҕолорбут баар буоланнар

Күн уота тыгар.

Сир-дойду таннан киэргэнэр, уларыа тупсар.

- Бүгүһүнү дыоро тугэммит *саамай кыраһыабай көстүүтүнэн* буолаллар -
биһиги выпускниктарбыт!

-Иллээх-эйэлээх 2-с бэлэмнэнии бөлөхпүтүгэр

Оҕолорбутун кытта дыэ

Хас күн аайы үүнэр сана күнү бииргэ атаардыбыт...

Сылайар диэни билбэккэ оонньоон,

Бэйэ-бэйэбитин кытта бодоруһан,

Эн-мин дэһэ улаатан турдубут.

Бары өттүнэн сайыннараар араас дьарыктарга, куруһуоктарга

Сэргэх харах, чуор кулгаах буола

Боччумуран ыллыбыт, талааммытын да арыйдыбыт.

Күөн күрэстэһии диэн тугун биллибит.

Кубок, мэтээл, грамота, диплом, сертификат тутан

Дьоллоннубут биир тэнник!

- Истиэбин эрэ, оҕолорбут маны барытын этэн туран кимнээххэ махтаналларын!

(бары тахсан полукруг тураллар)

1. Уһуяан үлэһиттэригэр махтал хоһоонноро (монтаж, бары)

Бытааччы 1:

Сэттэбитигэр кэлэн

Сэттэ нэдиэлэ күнүн көтүспэккэ билэр буоллубут.

Олортон ханнык күннэргэ үлэбит күнэ буоларын,

Хас өрөбүллээхпитин эндэспэккэ этиэхпитин сөп... Себүлэһэбит оҕолоор?

Хас сана күнү уруйдаан көрсөрбүтүгэр «Чөмчүүк саас сэргэх күнэ» радиобит нөҕүө ханнык ырыаны истэн тэннэ ыллаһар этибитий, оҕолоор?

-Маладыастар, Кэнчээрибит гимнын.

- Чэйин, муз.салайааччыбыт Капиталина Константиновна айбыт ырыатын-уһуяаммыт өрөгөй ырыатын ыллаан доргутуобун!

2. Гимн «Кэнчээри» - бары

Бытааччы 2:

- Бириэмэ чыычаах көтөн ааһарыны кырдык да түргэн...

Биһиги иннибитигэр көрүҥ эрэ, олох дьиннээх саллаат, дьиннээх хоһуун,
күүстээх-уохтаах уолаттар улаатан табыстылар!

- Кун-дьыл ааһан кыргыттарбыт Ийэ сылаас илиитин имигэр имэриллэн, Аба
амарах сыһыаныгар бигэнэн сибэккилии силигилии тупсан улааттылар!

- Истиэбин эйэбэс майгылаах, эйээрэр куоластаах Милена Соловьева
толоруутугар «**Кыыс**» туһунан ырыаны.

3. Ырыа «Кыыс» - Милена Соловьева (соло)

Ытааччы 1:

-Уһуяаммыт барахсан сырдык, ыраас эйгэлээх.

Кэрэ кэскил иэйиилээх.

Оҕо-аймах мустар, остуоруйа дойдута буоллаҕа...

Оҕо саас биһигэ «Кэнчээрибит» куруук үүнэ-сайда турдун!

4. Ырыа «Уйгулаан, уһуяан» (бары)

Ытааччы 2:

-Оҕолоор, биир маннык таабырыны таайын эрэ.

-Ыллыыр ырыам ымыы буолан көттөргүн,

Ыра санаам, бастын баҕам

Ыраас сүүрэн буолларгын.

-Дианабыт ыллыыр ырыата кынаттанан дайдын.

Бар дьон кутун туттун!

5. Ырыа «Чыычаах» - Диана Бурнашева (соло)

Ытааччы 1:

-Убаастабыллаах төрөпүүттэрбит, киэн билии хараабылыгар оџолоргутун кытта тэнгэ олорсонгут, бириэмэтигэр сөпкө сүбэлээн-амалаан, көмөлөһөн, эрэллээх доџор буолуоххут диэн эрэнэн туран билигин бу билии хараабылын хараххытыгар ойуулаан көрөргүтүгэр уонна ырыа кэрэ кыргыттарбыт «Ырыа ыллыгынан» вокальнай куруһуокка ыллыырга эрэ буолбакка флейтаџа оонньуурга үөрэнэн, музыкальнай инструменнартан бастакы сатабыллары ылынан биир олус дирин суолталаах, хас биирдии киһини санаатын сааһылыыр, инникигэ кынаттыыр улуу айымньыны толороллорун истэргитигэр ынырабыт!

6. Флейтаџа “Баллада Аделины”

Ытыааччы 2:

Күһүн үүнүүтэ, балаџан ыйга

Оскуола аанын тэлэччи аһан

Оџолоор, бастакы кылааска

Үөрэ-көтө үөрэнэ барыаххыт.

Тэтэрээт, кинигэ, уруучука, харандаас,

Рюкзакка толору уктангыт

Аны үөрэнээччи диэн ааттанан

Оскуола оџото буолуоххут!

7. Ырыа «Оскуолаџа бардыбыт» (бары)

Ытыааччы1:

-Бүгүнгү дьоро тугэммит *саамай кыраһыабай көстүүтүнэн* буолар биниги мап-мааны Кэрэ Куо кыргыттарбыт, Үрүң Уолан уолаттарбыт алыптаах намыын музыканан тэлээрэ көтөр аан маннайгы **вальс үнкүүлүүр** умнуллубат кэрэ мүнүүтэлэрэ!!!

8. Үнкүү «Вальс»

Сюрпризный момент: **Кэнчээри уола киирэн кэлэр. (Артем Павлов эбэрдэлиир).**

- Күндүтүк саныыр, ийэлии таптыыр оҕолорбутун өссө төгүл истинник көмүс ньээкэ уйабытыттан кынаттанан көтөр, «Кэнчээри» уһуйаантан улаатан оскуолаҕа барар бириэмэбит тийэн кэлбитинэн итиитик-истинник эбэрдэлиибит!!!

II чааһа

- **Бырааһынньыктаабы аралдытыы** (*уһуйаан үлэһиттэрэ - Буратино мультигыттан геройдар буолан кыттыылары*).
- **Геройдары кытта өйдөбүннүк хаартыскаҕа түһүү.**

III чааһа

Бытааччы:

- Бүгүнгү бырааһынньыктаабы күммүт үөрүүтүн үллэстэр - биниги “Кэнчээри” уһуйааммыт салайааччыта – убаастабыллаах **Екатерина Петровна.**
- Умнуллубат дьоро күммүт тэрээһинигэр сүүрбүт-көппүт, бу сыллар усталарыгар: иитии буоллун, үлэ буоллун, бырааһынньык буоллун... барыга-бары биниэхэ күүс-көмө, эрэллээх тирэх дьоммутунан буоллулар – биниги күндү, убаастабыллаах төрөппүттэрбит!

Төрөппүттэр ааттарыттан эбэрдэ тыл

- Билии-көрүү киэн аартыга эһиэхэ уонна эһиги төрөппүттэргитигэр куруук сырдыкка эрэ ыгырар, интэриэһинэй таабырыннардаах, баай ис хоһоонноох, элбэх ситиһиилэрдээх, кыайыы көтөллөөх буоллун!!!

- Эһиэхэ олус эрэнэбит! Аан магнайгыттан кыһаллан туйгуннук, үчүгэйдик үөрэниэххит! Учууталгыт тылын болҕомтолоохтук истиэххит! Оскуолабыт чиеһин куруук көмүскүү, кининэн киэн тутта, үтүө дьон буола улаатыаххыт диэн!

Иитээччилэр баҕа санаалара (алгыстары, бэлэх хаартыска магниттары туттарыы)

- **Уопсай хаартыскаҕа түһүү**